

L'assistenza sociâl viduda di tre archivios storicos da arcidiocesi di Guriza

Luca Olivo

L'assistenza a lis *fasce sociali* pì malmitudis e problematichis non era dada par scontada doi secui fa. No esisteva un aparât public organizât e presint sul teritori come al dì di uè e alora lis iniziative benefichis erin lassadis praticamenti a privâs *benefattori* che si congregavin in fraternis intituladis ai sans opûr diretamenti a la glesia. In chist articul viodarìn in struc come che ta arcidiocesi di Guriza han operât tre realtâts *assistenziali* mitudis diretamenti sot la guida e il *patrocinio* dai arcivescui; il dut secont se che si pol tirà fûr dai lôr archivios storicos inventariâs tal 2020 e 2021.

Prin in ordin di timp ven l'Istitût "don Giovanni Contavalle" ben coniossût a Guriza e ta so provincia par dut il ben operât ta assistenza a lis frutis in situaziòns di dificultât. Tal 1797, ancia se siartis *fonti storiche* disìn 1789, rivà a Guriza il prediciatôr Giovanni Contavalli, nassût a Bologna tal 1743, e fint in chel moment prediciatôr ta diocesi di Como. Apena a Guriza al Contavalli fo subita notât e aprezât pa passiòn che al meteva ta sos predicis e pa preparaziòn teologica. Cussì al entrà ta grazîs dai confradis predis e da fameis pì in vista da zitât. Ma se che al premeva al Contavalle, il cognòm fo cussì cambiât dopo poc

che l'era a Guriza, erin lis condiziòns da frutis e da muletis vuarfinis o che vignivin di fameis in stât di miseria e di dificultât. Dopo doma qualchi an, tra 1799 e 1801, al Contavalle rivà a comprà la "casa Dornberg" propri dongia la glesiuta di Santo Spirito tal Borc dal Ciasc'iel. Entri da ciasa ciatarin puest 24 frutis e dos mestris cul personâl di supuart. Se che l'oreva il Contavalle l'era dà un *alloggio* sigur a lis frutis e fa in mût che podessin ricevi una sana e iusta educaziòn ancia par preparalis a una vita di feminis adultis e al lavôr. Al Contavalle, ancia se continuava la so ativitât di prediciatôr in pì di qualchi diocesi taliana, non si dismenteà da so opera gurizana tal fratimp afidada a la *Commissione Comunale di Beneficenza*. Tal 1825, ormai vecio, al Contavalle scrivì a la *Commissione* par rinunzià al so *ruolo*, doi ains dopo al murì. In efies il Contavalle varès orût lassa la so opera a la glesia gurizana ma al arcivescul bons. Joseph Walland non acetà la donaziòn orint però mantignî la protezion e l'*alta vigilanza*. Comunque tal 1827 l'opera lassada dal Contavalle doventà *ente morale* a duc' i efies. Tal 1838 rivà il prin statût, firmât dal arcivescul bons. Francesco Saverio Luschin, dal *capitano circolare* Venceslao Gleisbach e dal baròn Giovanni Battista Baselli, che al stabilì prima di dut che al niof istitût vares vut di partà il non dal fondatôr e che la so sede sares stada al 444 di Borc dal Ciasc'iel. Contemporaneamente il statût gi affidava al arcivescul di Guriza, o in câs di *sede vacante* al vicari capitolâr, l'*alta protezione e vigilanza* sul niof Istitût. Chist l'era tignût a dà, dongia di una rigorosa formaziòn religiosa, educaziòn, istruzion e l'avviament al lavôr come camerieris, coghis o fameis a frutis e muletis che vignivin di fameis che per un motîf o che l'atri non podevin proviodi a chistis robis o parsè che manciavin un o duci doi i genitòrs o par condiziòns di fuarta bisugna. Podevin entrà tal Istitût frutis tra 6 e 10 ains di a fameis residentis di almancul 10 ains ta zitât di Guriza. L'amministrasiòn dal Istitût era afidada a una *Commissione di Beneficenza*, presieduda dal arcivescul, che si sigurava dal aplicaziòn da voluntâs testamentaris dal fondatôr e che curava al patrimoni. In plui dava ogni an contribûs

par varîs activitâs. Un *Consorzio di Carità* formât di sioris *abbienti* che annualmenti versavin donaziôs al sovrintindeva a lis entradis dell'Istitût. Chistis vignivin di terêns e ciasis tirâs dongia cun plui *lasciti testamentari*. I terens vevin di essi dôs in afit (*arrenda*) ogni sis mês e i guadagni saresi stâs afidâs al casîr dal *Consorzio* che annualmenti era tignut a scrivi al bilancio. La *Commissione di Beneficenza* varès dopo dezidût semut spindi i bês guadagnâs.

La cura e l'educaziòn da frutis dal Istitût forin di prima inizialmente affidadis al *Consorzio di Carità* che veva di nomenà una mestra. Ma dopo pôc timp l'arcivescul bons. Luschin dezidè di afidà chist compit a la Congregaziòn da Muinis da Provvidenza alora pena aviada da padre Luigi Scrosoppi, che però a malincûr no podè acetà par no dà massa lavôr a la Congregaziòn pena fondada e za oberada. Alora l'arcivescul al domandà a la Congregaziòn da Muinis di Carità di San Vincenzo dè Paoli di Innsbruck: lis muinis rivarin tal Istitût tal 1852 e restarin fint al 1918.

Tal 1903 al arcivescul bons. Andrea Jordàn firmà il niof statût. Il document mantigniva al implant general dal 1838 ma dava diretamenti al arcivescul e ai soi sucesôrs la amministrazion dal Istitût. Al vescul nomenava un diretôr coadiuvât di un o doi amministratôrs di so sielta. Un dai amministratôrs l'era ancia casîr. Al diretôr e i amministratôrs vevin di sovrintindi a la vita dal Istitût controlant al normâl svolgiment dal assistenza e dal educaziòn e vevin ancia di ocupâsi da gestiòn dal patrimoni. Infin il statût stabiliva ancia che la assistenza da frutis ospitadis fos simpri affidada ad un ordin religiôs feminîl. La struttura dal Istitût non gambiarà plui fint al dì di uè.

Di rilevà comunque che quant che la legislaziòn taliana fo estinduda ancia a Guriza, dopo il 1918, tacà la colaboraziòn stenta tra l'Istitût di una banda e lis autoritâs civî di che atra par se che riguardava l'entrada e il mategniment da frutis tal Istitût e lis metodologîs di educaziòn. Difât dentri di se che proviodevin lis les pa assistenza ai minôrs l'Istitût doventà *assegnatario* cun convenziòns, fint ai Ains Novanta dal XX secul, di frutis asi-

stidis dal cumun di Guriza; da atris cumuns da provincia e di fûr provincia; da amministraziôns provinciâi di Guriza, Udin e Triest; dal *Ente Nazionale Assistenza Orfani dei Lavoratori Italiani (E.N.A.O.L.I.)* e da Federaziòn provinciâl di Guriza da *Opera Nazionale Maternità ed Infanzia (O.N.M.I.)*. Chis'c ents varesin vût si segnalà al Istitût i singui câs che vevin di bisugna di curis motivant la domanda di assistenza. Podopo, vint in man i documents dal câs, l'Istitût proviodeva a ricevi la fruta; la so *retta* di manteniment era a carico dal ent par intîr o par una quota concordada cun lis fameis di provenienza e stabilida a seconda da condiziôs obietivis di bisugna. L'Istitût duncia curava l'assistenza, l'istruzion e l'educaziòn da frutis mentre i ents si limitavin a periodichis ispeziôns. L'ativitât di assistenza a continuà ininterotamenti fint al 1968 lì da "casa Dornberg" tal Borc dal Ciasc'iel e dopo di chel an ta niova moderna sede di via Garzarolli 131 simpri a Guriza. Ancia se cun moments di crisi e di riorganizzaziòn interna al Istitût al de simpri il so contribût a la vita sociâl di Guriza e provincia rivant ancia, tai Ains Setanta e Otanta, a diversificà la so ufiarta viarzint ancia i servizis di *doposcuola* pai frus da elementâr e da medis da zitât e di *pernotto* pai students da superiôrs che vignivin di fûr. Tai ultins ains si à dada ospitalitât e assistenza ancia a feminis vitimis di *violenze domestiche*, spes ancia cui frus, e a fameis di profugos sc'iampas di zonis di guera come ex Jugoslavia, Kosovo, Iraq, Siria.

Dongia dal Istitût "Contavalle" e tal stes ambit di intervent si ciatà a operà a Guriza ancia l'Asilo "San Giuseppe". Chist fo fondât tal 1880 quant che la *possidente* gurizana Caterina Decolle firmà un at di donaziòn di 4.000 *fiorini*. Tal 1884 rivà il prin statût e l'an prima la Decolle comprà una ciasa la che cumò l'è il numer 1 di via Garzarolli. Il compit di dirigi il niof Asilo era di una apuesita Direzione e l'aministrazion dal ent e dal so patrimoni era afidada prima al plevàn dal Domo di Guriza e viars la fin da lis ativitâs al plevan di San Roc. La cura da frutis ospitadis era afidada a lis muinis di *Nostra Signora*. Par se che riguarda l'assistenza la storia dal Asilo a è in dut e par dut simile a che dal

"Contavalle" di notà però che al "San Giuseppe" veva svilupât una so carateristica peculiâr. Viars il 1912, cun autorizazzion dal *I.R. Consiglio Scolastico Provinciale* di Guriza, fo viarta, ancia pa frutis esternis al Asilo, una scuola popolâr feminîl, secont al sistema austro-ungaric, che podedeva essi paragonada a la scuola elementâr taliana. Purtrop la prima guera mondiâl fermà subita al progèt dopo doma doi ains. Tal 1926, dopo una tratativa cul cumun di Guriza, si rivà a viarsi un asilo infantîl par duc' i frus di 3 fint a 5 ains. L'asilo restà viart par plui di 30 ains e doventà un pont di riferiment pa int dal Borc San Roc. Tal 1969 dopo una vora di discusiòns sul argument e su la utilitât di tignì viars doi istitûs cusì simî al arcivescul, bons. Pieri Cocolin, al dezidè di accorpà l'Asilo "San Giuseppe" al "Contavalle" data ancia la sede niova pena inaugurada. Finì cusì la storia di un ent che in quasi 80 ains di vita veva udât un grant numer di frutis in difficultât.

Dal 1945 ai doi istitûs che si ha ciacarât di sora si à agiunt ancia la Seziòn diocesana da *Pontificia Commissione Assistenza*. Chista era stada viarta in arcidiocesi come emanazion apunt locâl da *Pontificia Commissione Assistenza* oruda di papa Pio XII tal 1944 par ufrì assistenza a duc' i popui europeos colpîs das devastaziòns da seconda guera mondiâl. Al papa oreva una struttura eficient al di fûr di ogni vincul da burocrazia par fa rivà i aiûs diretamenti là che era plui di bisugna. Cussì ogni diocesi vares vût di dotâsi di una Seziòn da *Pontificia Commissione Assistenza*. Chista, sota al patrocinio dal vescul, era formada sia di predis che di laicos e veva di individuà lis emergenzis pì alar-mantis. A Guriza la Seziòn tacà la so opera tal 1945, propri ape-na finida la guera sot la guida di un presidènt nomenât dal arcivescul. La prima prova che la Seziòn si ciatà a ve a se fa fo quant che a Guriza, tra 1945 e 1947, rivarin i profugos di Istria, Venezia Giulia e Dalmazia e duc' chei che, ruvinâs da guera zirivin ta zitât qualsiasi forma di ajût. Si era in timp di *Governo Militare Alleato*. La Seziòn di subita organizà in zitât e in atris cumuns da provin-cia lis mensis riservadis propri ai profugos, là che si podedeva ciatà non sôl dos refeziòns in dì ma ancia un pont di riunion e di rife-

rimènt fra int che condivideva i stès dolôrs. Dopo che Guriza tornà a l'Italia tal 1947 l'ativitât da mensis fo miorada e organizada in colaboraziòn cun la Prefetura che agiva in non dal governo. Lis mensis restarin viartis almancul fint a la metât dai Ains Sinquanta e circa a partì dal 1954 poderin contà sui ajûs alimentârs dai *Catholic Relief Services* ativâs lì da *National Catholic Welfare Conference*, dal episcopât american. I ajûs coventavin ancia par organizà il *soccorso invernale* e lis donaziòns a lis fameis pòris di disocupâs o di *ex combattenti* in stât di bisugna.

Viars il 1950 si ciatà un atra area di intervents. Difât fo viart lì di un apuesit Centro in via Montesanto 47 il prin cors professionalizànt riservât a disocupâs che vares vût di formà idraulicos, elettricists, maringôns, muradôrs, carpentîrs e elettroinstalladôrs. Di notà che i cors erin realizâs cun la colaboraziòn da Prefetura e dal Ministeri dal Lavôr che metevin a disposiziòn i fonts. Atris cors forin viarts ancia pa feminis soradût par preparalis ai lavôrs di *sartoria*. Simpri par restà tal ciamp dal lavôr la Seziòn simpri in colaboraziòn cun la Prefettura e cul Ministeri dal Lavôr proviodeva ancia a la refeziòn, cui aiûs americâns che si à dit di sora, dai lavoradôrs impegnâs tai *cantieri scuola* che ogni an erin viârs dai cumuns e da atris ents publics par sirì di combati, almancul par qualchi mès, tant duravin i *cantieri*, la disocupaziòn.

La Seziòn slargià la so ativitât ancia al mont dal *infanzia* e da *adolescenza* cun l'organizaziòn di centros pal *doposcuola* viars a duc' in frus da scuelis elementârs e medis in quasi dutis lis parochis da zitât e ta ches pì grandis dal arcidiocesi.

Tal 1953 la Seziòn, come duta la *Pontificia Commissione Assistenza*, fo riformada e doventà *Opera Diocesana Assistenza* cun i soi ufizis che vevin ormai ciapât una struttura definitiva.

Tal fratimp l'*Opera* organizzava *a pieno regime* l'ativitât che plui la andà fata conioffi dai gurizâns e no doma: lis colonis estivis che ogni an fasevin registrà un grum di iscriziòns. Pal supuart di chist grues lavôr di organizaziòn l'*Opera* si valeva das relaziòn cun lis varis *Commissioni Comunali di Assistenza* che,

coordinadis int un apuesit Comitât provinciâl, segnalavin i frus, di età tra 6 e 12 ains, che vignivin di fameis in stât di bisugna, che vevin la precedenza, ma ancia chei frus che semplicementi varesin vut gust di là in vilegiatura. Di dut era naturalmente informada la Prefetura pai permès e par i finanziamens. Dopo si contatavin i cumuns là che si proviodeva di là. Lis colonis duravin 20-30 dîs in plui turnos e cun rigorosa separaziòn tra frus e frutis. Il personâl di assistenza l'era sielzût e paât da l'Opera che mandava sul puest un predi pa sorveglianza. Lis metis erin Grau pa colonis marinis e Forni di Sora, Pontaiba, Mion di Dovâr (in provincia di Udin) e Fiera di Primiero (in provincia di Trent) pa montagna. L'ativitât da colonis si slungjà par quasi 30 ains, fint al 1987.

Un atri aspjet dal ativitât dal Opera fo ancia la assistenza spirituâl ai lavoradôrs partada in devant in stenta *sinergia* cun la sezìon diocesana da *Opera Nazionale di Assistenza Religiosa e Morale degli Operai* (O.N.A.R.M.O.).

Duncia di sora vin vidût dutis lis informaziòns pì impuartantis che àn podut essi giavadis dai archivios storicis dal Istitût "don Giovanni Contavalle", dal Asilo "San Giuseppe" e da *Opera Diocesana Assistenza*. I archivios dal "Contavalle" e dal Asilo "San Giuseppe" dopo i lavôrs di ordenament e inventariaziòn si presenti in bunis condiziòns di conservaziòn e ancia se no masa consistens, 16 bustis dal 1838 al 2017 cun dentri 168 unitâs archivisticis (fascicui, registros, quadernos ecc.) al "Contavalle" e al "San Giuseppe" 17 bustis dal 1881 al 2014, cun dentri 249 unitâs archivisticis e 3 sc'iatulis e 3 registros fûr busta, rivin a fornì un quadri a vonda esaustîf da storia e da evoluziòn interna dai doi ents ancia se leint i inventarios finai si riva ben a capì come che lis busis temporalis sedin no pocis, soradût pa se che riguarda la corrispondenza e la documentaziòn strettamenti leada cun l'ativitât assistenziâl. Inveza bunis prospetivis di ricerca si podin vè par se che riguarda i moments da fondaziòn dai doi ents e lis lôr principalis vicendis istituzionalis. Ben documentada par al "San Giuseppe" a è la part da gestiòn dal patrimoni che

pol fornì bunis ideis pal studi dai contrats agrarios dal prin Nuf-sent fint quasi al 2000. Par se che riguarda al "Contavalle" interesanta a è la corispondenza cun tantis notizis sui rapuarts tra l'Istitût, l'ordinariât arcivescovîl e i ents publics. Purtrop, ma l'è ancia just pa tutela da *privacy* dai sogèts interesâs, la granda part dai doi archivios risulta esclududa da publica consultaziòn propri par no là a difondi notizis personalis da frutis a lor timp ospitadis.

L'archivio storic dal *Opera Diocesana Assistenza* al va dal 1943 al 2000 circa e si compò di 78 bustis che tegnin in dut plui di 300 unitâs archivisticis (fascicui, registros, quadernos ecc.), circa 10 registros fur busta e una sc'iatula. I lavôrs di ordenament e inventariaziòn àn rivelât un archivio za ben strutturât cun lis ciartis za ragrupadis par argument, il che à dât ancia un quadri precîs da struttura dal ent. Lis ciartis son dutis in bunis condiziòns. Lis seris pì interesantis dal pont di vista storic son chês su l'organizaziòn da colonis e ches relativis al assistenza ai profugos e ai *cantieri scuola*. Tantis informaziòns interesantis si ciatin ta ciartis da presidenza e da segreteria par viodi l'inquadrant dal ent entri la *Pontificia Opera Assistenza* e i soi rapuàrs cun l'ordenariât arcivescovîl. Praticamenti completa pol essi considerada la serie che contèn lis ciartis da *Opera Nazionale di Assistenza Religiosa e Morale degli Operai (O.N.A.R.M.O.)*. Comunque ancia se in misura minôr ancia chist archivio, sora dut pa se che riguarda lis colonis e i *doposcuola*, l'è sogèt a la normativa su la tutela da *privacy*.

Sintesi - *L'articolo si propone di descrivere per sommi capi quelle che è stata l'assistenza sociale, verso l'infanzia disagiata prima di tutto ma anche verso altre categorie in difficoltà, così come la si può ricostruire esaminando gli archivi storici di tre realtà che tanta parte hanno avuto nella storia dell'arcidiocesi di Gorizia. Primo in ordine cronologico risulta essere l'Istituto "don Giovanni Contavalle", fondato in Borgo Castello nel 1798 dal predicatore di origini bolognesi particolarmente sensibile verso le problematiche dell'assistenza, allora praticamente inesistente, alle fanciulle orfane o provenienti da famiglie particolarmente a rischio. Dopo una prima fase di assestamento delle proprie strutture l'Istituto "don Giovanni Contavalle", affidato dapprima alla Congregazione delle Suore di Carità di San Vincenzo de' Paoli e poi (dopo la prima guerra mondiale) alle Suore della Provvidenza di San Luigi Scrosoppi, divenne grazie anche alla stretta collaborazione con il comune e la provincia di Gorizia un irrinunciabile punto di riferimento per centinaia di fanciulle bisognose da esso assistite ed avviate alla vita adulta. Storia analoga quella dell'Asilo "San Giuseppe" sorto nel 1880 per volere della possidente Caterina Decolle. Il nuovo asilo si distinse non solo per l'assistenza alle minori bisognose ma anche per l'offerta formativa che rese disponibile negli anni immediatamente precedenti la prima guerra mondiale con l'apertura di una scuola elementare e di un asilo aperti a tutti i fanciulli. Ultima per fondazione viene l'Opera Diocesana Assistenza, emanazione locale della Pontificia Opera Assistenza attiva a Gorizia dal 1945 - '46 fino alla fine degli Anni Settanta con lo scopo di fornire un supporto all'infanzia, principalmente con l'organizzazione di colonie estive e di doposcuola, ma anche a categorie particolarmente disagiate come profughi, disoccupati ed emarginati.*

Le carte dei questi tre archivi storici, pur nel rigorosissimo rispetto della normativa sulla privacy, possono fornire interessanti spunti di ricerca in un territorio che risulta ancora inesplorato.